



"Kölsche Mess"

anlässlich der Standartenweihe
am **21. Januar 2007** in der
Pfarrkirche St. Kunibert in Gymnich

Eingangslied:
(Melodie „Kommt, sagt es allen Leuten)

Refrain: Kutt, saat et jedem Minsche,
saat et em Huus on op d'r Stross.
Kutt, saat et jedem Minsche,
der Herrjott läd uns en.

1. Hä läd he jede Minsche,
Hä is für all Lück do.
Kutt, singt un freut üch für ihn –
hä mät die Läve klar.

Refrain: Kutt saat et jedem.....

2. Zo jedem will hä kumme,
jitt uns dat hillije Brut –
wä dovon hät jenomme,
här Läve noh demm Dud.

Refrain: Kutt saat et jedem.....

Begrüßung:

P: Lose mer anfangen met nem Jroß aan der Herrjott:
Uns röf zosamme der Vatter, der Son un der Heilije
Jeis
Unser Herrjott soll immer met üch sin.
A: Un och met dir et ganze Lewe.

Schuldbekentnis (wird vom Priester gebetet)

Kyrie

P/A: Här, dunn uns doch verjevve!

P/A: Chress, dunn uns doch verjevve!

P/A: Här, dunn uns doch verjevve!

Zum Gloria Lied (Melodie: „Mer losse dr Dom in Kölle“)

Mir dun hück der Herrjott iehre, mir alle sin hück do,
dun fröhlich Joddesdeens fiere,
dem Herrjott jilt Alaaf!
Vun noh un och vun fahne sin se all widder do,
un wammer all zesammestonn es och der Herrjott noh,
un wammer all zesammestonn es och der Herrjott noh.

1. Stell der vür, et kütt ne Haufe Lück jezz hää,
zum Joddesdeens op Kölsch in Kunibää.
Do fröch sich secher mancher: „Jo, wie kütt et dann,
dat die Lück allemol su fröhlich sin?“

Mir dun hück der Herrjott iehre, mir alle sin hück do,
dun fröhlich Joddesdeens fiere,
dem Herrjott jilt Alaaf!
Vun noh un och vun fahne sin se all widder do,
un wammer all zesammestonn es och der Herrjott noh,
un wammer all zesammestonn es och der Herrjott noh.

2. Hückedach sin vill Lück nor op sich bedaach.
Watt and're mache, dat es off ejal.
Doch freut der Herrjott sich, wammer zesammestonn,
dröm bedde mir jemeinsam allemol.

Mir dun hück der Herrjott iehre, mir alle sin hück do,
dun fröhlich Joddesdeens fiere,

dem Herrjott jilt Alaaf!
Vun noh un och vunn fähne sin se all widder do,
un wammer all zesammestonn es och der Herrjott noh,
un wammer all zesammestonn es och der Herrjott noh.

Zwischengesang

Refrain: „Dat Hätz vun d'r Welt“

Singt: Halle-, halle, halleluja!
Här, do et Hätz vun de ganze Welt,
do wars he at immer do
bevür et Sunn un Stääne joov.
Du, der Anfang vun dem allen wat do es.

Vor dem Evangelium

L: Der Här soll met üch sin.
A: Un och met dir et ganze Lewe.
L: Us dem Evangelium wie et der hellije....objeschrewen
hät.
A: Mer ihren dich, o Här.

Zum Credo

**Lied (Melodie „Einmöl Prinz zu sinn – nur
Refrain)**

Här mir lowe disch, jewen dir de Ihr.
Jruße un kleine Lück von Noh un Fähn.
Du bes unger uns wie du uns häs jesaat,
daröm singe mir dir jezz op Kölsche Aat.

Halleluja, du mähs uns fruh,
dorüm danke mir dir all jezz su.
Du schenks uns disch selvs,
da deit uns joot,
dafür danke mir dir jezz, du großer Jott.

Du liss uns he nit allein röm stonn,
woods uns Fründ, wills immer met uns jonn.
Du nimms von uns watt uns trennt, de Sünd,
zeichs uns dann dä Wech von Minsch zu Minsch.

Fürbitten **Liedruf (Melodie: Dat Wasser vun Kölle“)**

O leeve Jott, hür ons bedde,
denn et jitt he vill Nut!
O leeve Jott, hür uns senge,
un helf uns in der Nut.

Zur Gabenbereitung **Lied (Melodie: „Drink doch ene met“)**

Priester: 3 mal Zwischentext

3 X Refrain:

Brengt doch all jet met, stoot nit nor dobei,
keiner soll he usjestosse sin.
Brengt doch all jet met, doot ör Hätz dobei,
singt und dankt jezz he mit frommer Stimm.

Präfation

P: Unser Herrjott soll met üch sin.
A: Un och met dir et ganze Lewe.
P: Losse mer uns opraafe, unseren Här zo lowe.
A: M'r sin met Hätz un Siel beim Här.
P: Loss mer unseren Herrjott röhme und ihre.
A: Da es jot un rääch.

Zum Sanctus **Lied (Melodie „Großer Gott, wir loben dich)**

1. All dat, wat dich lowe kann,
deit met uns sing Stimm erheuwe:
Minsche, Kinder, Frau un Mann,
Engel, die em Himmel leuwe.
Äd un Stäne, Flanz un Dier –
alle juzz zo dinger Ihr.
2. Jnädich, Här, met Maach un Kraff
deis du Äd un Himmel leite,
hilf uns wann mer sinn jeschaff,
deis uns überall bejeite.
Dankbar roofe mer dir zo:
hellich, hellich bis nur du.

Noh der Wandlung bedde mer:

- P: M'r jäuwen aan dat Jeheimnis,
A: dat do für uns jestorve bes, bekenne mer,
dat do vum Dud opjestate bes, röhme mer,
dat do küss en Maach un Praach, dat hoffe mer.

Vater unser

Unse Vatter em Himmel,
denge Name welle m'r hellich halde.
Di Risch loss zo uns kumme.
Alles soll esu sin, wie do et hann wells,
em Himmel un op der Äd.
Jew uns hück un alle Daach wat mer bruche für zo leve,
un dunn uns verjewe, wammer Unräch jedonn hann,
wie och mir denne verzeihe, die uns Unräch dunn.
Halt vun uns fán, wat uns schade künnt.
Un dunn uns vór allem Schläächte bewahre,
Do bess jo Künning en Iwichtkeit. Amen.

Zum Agnus Dei

Wird vom Priester gebetet

Zum Friedensgruß

P: Unser Herrjott un singe Fridde solle immer met üch sin.

A: Un och met Dir et janze Lewe.

Vor der Kommunion

P: Loort her, unsren Här ess medden unger uns.

A: Här, mer sin et nit wääd, dat du unsere Jass wess, äwver du bruchs bloß ei Wöötche zo sage, dann ess alles widder jot.

Nach der Kommunion

Lied: (Melodie: „Minsche wie mir“)

1. Sondachs in Jimnich, et is widder Zick,
de Jocke dun lügge, do kumme de Lück;
de Mess wed jefiert in St. Kunibäät,
der Här dät uns rofe, dat simmer em wäät.

Minsche wie mir dun kriesche on lache,
Minsche wie mir sin nit jän allein.
Rötsch doch jet nöher, wie Fründe dat mache.
Minsche wie mir, jo Minsche wie mir.
La, la, la, la, jo, Minsche wie mir.

2. Lommer Jott lowve und dun imm de Ihr,
singe mer zesamme, denn hä is der Här.
Mir mache et Hätz op, un hä kütt erinn,
bei uns will hä wunne, uns Fründ will hä sinn.

Minsche wie mir dun kriesche on lache,
Minsche wie mir sin nit jän allein.
Rötsch doch jet nöher, wie Fründe dat mache.
Minsche wie mir, jo Minsche wie mir.
La, la, la, la, jo, Minsche wie mir.

Standartenweihe

Dank des Präsidenten Reiner Feil

Schlussesegen

P: Joht un brenk Fridde!

A: Mer danken Jott, unsem Här.

Schlusslied

Melodie: „In Kölle am Rhing bin ich jebore“

1. In Jimnich do dun mer jetz levve,
mer han vill Freud en Hätz un Senn.
Mer love dich och mit unsrem Levve
un möchten emmer met der sin.
Wenn mer su an dä Herrjott denke,
dann danke mer im Johr für Johr
/: Hä deit uns Freud un Fruhsenn schenke
un trüs och die met Ping un Troor.:/
2. Jevv, Herrjott, dat mer nit verjesse
en all dem Juja he die Lück,
die nit wie mer sich könne freue,
weill sie et Leid zor Ääd gedrück.
Wenn mer su an dä Herrjott denke
hück als sing Kinder he op Ääd,
/: dann welle mer uns Hätz verschenke
an alles, wat sing Eevenbild.:/
3. Un müsse mer uns Stadt verloße,
wann do uns röfs zu Dir erop,
dann welle mer, ding Kinder, danke
dobovve en uns Muttersproch
Wenn mer su an dä Herrjott denke
hück all sing Kinder he op Ääd,
/: dann welle mer uns Hätz verschenke
an alles, wat sing Eevenbild.:/

